

Visoki predstavnik pozdravlja odobravanje stand-by aranžmana sa MMF

Visoki predstavnik, Paddy Ashdown, je pozdravio činjenicu da je danas Međunarodni monetarni fond odobrio Bosni i Hercegovini stand-by aranžman u vrijednosti od 89 miliona američkih dolara. Odobravanje ovog stand-by aranžmana je bio dugotrajan proces, ali je pokazao da vlasti Bosne i Hercegovine i međunarodna zajednica rade zajedno u duhu partnerstva kako bi ova zemlja ostvarila napredak. "Stand-by aranžman osigurava šansu Bosni i Hercegovini za dalje reforme", izjavio je visoki predstavnik.

Stand-by aranžman MMF-a će u narednih 16 mjeseci dati podršku ekonomskom programu Bosne i Hercegovine. On će omogućiti zemlji da odmah dobije od MMF-a sredstva u iznosu od 26 miliona US dolara.